



Republika e Kosovës / Republika Kosovo / Republic Of Kosovo



Kllokot-Verbovc/Opština Klokot-Vrbovac

Kuvendi Komunes Kllokot-Vërbovc

PLANI PESË - VJEÇAR I MENAXHIMIT TË MBETURINAVE PËR KOMUNËN E KLLOKOT-VERBOVCIT

2017 – 2022

Kllokot

30.05.2017

Kryesuesja e Kuvendit Komunal


/Zorica Zdravkovic/



Përmbajtja	
1.Gjendja ekzistuese	3
1.1.Operatori i menaxhimit të mbeturinave.....	4
1.2.Menaxhimi i Mbeturinave	4
1.3.Sfidat në menaxhimin e mbeturinave të cilat nuk janë në kompetencë të drejtpërdrejt të komunës	5
1.4.Masat aktuale për zvogëlimin e sasisë së mbeturinave.....	6
1.5. Korniza kombëtare ligjore dhe politikat	6
1.5.1. Korniza lokale ligjore	7
2.Planifikimi i Menaxhimit të Mbeturinave	7
2.1.Fushëveprimi i planit.....	7
2.2.Synimet e përgjithshme PLMM.....	7
2.3.Caqet	8
2.4. Fazat e zbatimit të planit 2017-2022	8
2.5.Themelimi i sektorit Menaxhimit të Mbeturinave.....	10
2.6. Krijimi i sistemit financiar për menaxhimin e mbeturinave.....	11
2.7. Përmirësimi i sistemit të grumbullimit të mbeturinave.....	11
3. Plani Financiar 2017-2022.....	12
3.1. Supozimet kryesore në planin financiar.....	13
3.2 Investimet e planifikuara për periudhën e planit 2017-2022	13
I. Vetëdijesimi qytetar	14
II. Investimet ne shporta	15
III. Investimet kapitale te ndërmarrjes publike për MM	15
V. Deponia për mbetjet Inerte	16
V. Pilot Projekti : Riciklimi-ndarja e plastikës	16
4.4.Burimet e financimit të investimeve të planifikuara për periudhën 2017-2021	16
4. Vlerësimi Strategjik Mjedisor	18
5. Ndërgjegjësimi i publikut	20
6. Plani i Veprimit.....	22
6.1. Qartësimi i përgjegjësive të qytetarëve, bizneseve dhe qeverisjes lokale	22
6.2. Përmbledhje e Planit të Zbatimit 2017-2022	23
7. Monitorimi dhe rishikimi.....	25
7.1. Përcaktimi i treguesve të performancës dhe burimet e verifikimeve	26
Aneks I: Zonimi i territorit	27

AKRONIMET / SHKURTESAT

PLMM	Plani Lokal i Menaxhimit të Mbeturinave
KRM	Kompania Regjionale e Mbeturinave
RAE	Komuniteti Romë Ashkali dhe Egjiptian
MM	Menaxhimi i Mbeturinave
KP	Kompania Publike
KK	Kuvendi Komunal
VSM	Vlerësimi Strategjik i Mjedisit
ASK	Agjencia e Statistikave të Kosovës
NP	Ndërmarrja Publike

1. Gjendja ekzistuese

Bazuar në regjistrimin e fundit të vitit 2011, Komuna e Kllokotit ka gjithsej 2556 banorë ndërsa duke u bazuar në databazën e Komunës për Tatimin në Pronë e po ashtu edhe në databazën e Ekohigjienës figurojnë 5050 banorë. Shtrirja e popullatës në komunë është më shumë në zonë rurale sesa urbane, me 1540 banorë në zonën urbane (30.4%) dhe 3510 (69.6%) në zonat rurale.

Në bazë të vlerësimeve të bëra, në Komunën e Kllokot-Verbovcit dominon mosha e re, dhe atë si në zonën urbane njashtu dhe atë rurale. Ndërsa grup moshadominante e popullsisë janë kategoria 19-44 vjeçe.

Nëse bëhet një analizë më e thellë e strukturës së popullsisë në komunën e Kllokot-Verbovcit mund të vërehet se popullsia është e shtrirë pothuajse në mënyrë të barabartë në të gjitha zonat. Mund të shifet një numër më i madh i shtrirjes së banorëve (69.6%) në pjesën rurale të Komunës gjegjësisht në distancat nga 3-9 km. Shpjegimi rreth shtrirjes është dhënë edhe në tabelën e mëposhtme.

Tabela 1: Numri i popullsisë sipas grupeve:

Popullata	0-3 km	3-6 km	6-11 km	Total	Ne %
Urbane	1540	-	-	1540	30.4%
Para Urbane	-	1850	-	1850	36.6%
Rurale	-	-	1660	1660	33%
Total	1540	1850	1660	5050	100.0%

mbulueshmërisë prej 100%, prap se prap haset në deponi ilegale si dhe hedhje e mbeturinave në mënyrë të pa kontrolluar, megjithatë duhet theksuar se prania e këtyre deponive është e ulët në krahasim me komuna tjera.

Arsyet kryesore për shërbimjo efikas të mbeturinave janë të ndryshme, si:

- Niveli i ulët i vetëdijes në mesin e banorëve;
- Kapacitetet e kufizuara të Ndërmarrjes Publike për menaxhimin e mbeturinave;
- Mos pagesa e një pjesë të përfituesve të shërbimit;
- Mos zgjidhja e çështjes së mbeturinave ndërtimore (demolimeve);
- Problemi i pazgjidhur i menaxhimit të mbeturinave nga mbetjet shtazore;
- Shkalla e ulët dhe informale e ndarjes dhe riciklimit.

Aktualisht operatori i vetëm, siç u cek edhe më sipër është njësi komunale e cila sipas shënimeve ofron shërbim primar të grumbullimit të mbeturinave për 100% të popullatës së përgjithshme.

Me gjithë përparimet e shënuara, disa kategori të mbeturinave paraqesin një sfidë jo të lehtë për komunën, në veçantë mbeturinat ndërtimore/demolimet, mbeturinat shtazore, etj.

Mbeturinat Ndërtimore/demolimet: si rezultat i mosekzistimit të deponise adekuate përkatë kategori të mbeturinave, mbetjet nga materialet ndërtimore dhe demolimet për shkak të hidhen gjithandej duke renduar aspektet mjedisore dhe estetike. Shpesh hedhja e pakontrolluar e këtyre mjeteve shkakton krijimin e deponive të egra dhe hedhjen e mbeturinave të ndryshme nga ana e banorëve dhe bizneseve. Përpos kësaj nuk ekziston lidhja në mes të dhënies së lejeve ndërtimore dhe sistemit të monitorimit të hedhjes së mbeturinave. Sa i përket deponisë së inerteve Komuna është në procesin e përzgjedhjes së lokacionit të duhur. Projekti i ndërtimit të deponisë së inerteve është i përfshirë në listën e projekteve që parashihen të realizohen në Planin e Republikës së Kosovës për Menaxhimin e Mbeturinave ku parashihet bashkëfinancimi 40% donatori; 30% Buxheti i Kosovës; dhe 30% Komuna e Kllokot-Verbovcit.

Mbeturinat nga Mbetjet Shtazore: Menaxhimi i mbetjeve shtazore në Komunën e Kllokot-Verbovcit nuk është në harmoni me dispozitat respektive, në rendë të parë për shkak të mungesës së impiantit të trajtimit të mbetjeve shtazore. Në Komunë nuk ka subjekte që merren me prodhimin, përpunimin dhe konservimin e mishit. Andaj edhe menaxhimi i këtij lloji të mbeturinës është pak më i lehtë në krahasim me komuna të tjera, megjithatë duhet të ngrihet vetëdija tek qytetarët që mos të hedhet kjo mbeturinë si mbeturinat e tjera komunale, por të hidhet ndarazi. Për më shume, edhe mbeturinat me prejardhje shtazore që grumbullohen nga ana operatorit të licencuar nuk është e qartë si trajtohen meqë deponia regjionale nuk pranon që ky lloj mbeturinave të deponohet në këto lokacione të veçanta.

Strategjia dhe Plani i Republikës së Kosovës për Menaxhimin e Mbeturinave, parashohin financimin e ndërtimit të impiantit të mbetjeve shtazore, i cili do të parashihte rregullimin e menaxhimit të mbetjeve të kësaj natyre në nivel të Kosovës përfshi këtu edhe Komunën e Kllokot-Verbovcit.

Realizimi i këtyre projekteve që parashihet të realizohet në periudhën projektuese do të kontribuonte në menaxhimin e qëndrueshëm të mbeturinave komunale.

Vlen të theksohet se një deponi e tillë është duke u ndërtuar dhe financuar nga zyra e BE-së në Kosovë, ku do të ketë për qëllim, grumbullimin e të gjitha mbetjeve të kafshëve nga i gjithë territori i Kosovës.

Me ndërtimin e kësaj deponie, do të përfitoj edhe Komuna e Kllokot-Verbovcit, ku do ti obligoj banorët/aktivitetet të cilat merren me këtë aktivitet të deponojnë këto mbetje në deponinë adekuate dhe jo në deponi të egra.

Sa i përket mbetjeve të rrezikshme, në Komunën e Kllokot-Verbovcit nuk ka ndonjë aktivitet që do të kontribuonte substancialisht në ngritjen e ndikimit në mjedis nga këto mbetje. Trajtimi i mbetjeve të rrezikshme përfshi këtu mbeturinat kimike-industriale dhe ato medicinale do të kontribuonte në përmirësimin e mjedisit dhe minimizimin e mundësisë së kontaminimit të mbeturinave komunale tokës dhe burimeve ujore nëntokësore. Largimi efektiv i mbeturinave ndërtimore dhe mbetjeve shtazore do të rezultonte në lirimin e ngarkesës për operatorët që grumbullojnë dhe bartin mbeturinat komunale. Po ashtu menaxhimi i tyre i duhur, do evitonte shkakun për hapjen e deponive të egra siç po ndodhë në periudhën e tanishme.

1.3.Sfidat në menaxhimin e mbeturinave të cilat nuk janë në kompetencë të drejtpërdrejtë të komunës

Përveç mbeturinave të zakonshme të pamvisërisë dhe bizneseve cilat janë në kuadër të kompetencave të komunës, ekzistojnë edhe një kategori e konsiderueshme e mbeturinave të cilat deponohen në territorin e komunës dhe që nuk janë kompetencë e drejtpërdrejtë e saj.

Mbeturinat Kimike-Industriale: Komuna e Klllokot-Verbovcit nuk ka ndonjë deponinë në territorin e saj të identifikuar si "deponi" me mbeturina kimike-industriale me sasinë e deponuar që tejkalon 5 ton për deponi, sipas raportit për "Hotspot" i publikuar nga Agjencia për Mbrojtjen e Mjedisit të Kosovës.

Mbeturinat Medicinale: Në komunën e Klllokot-Verbovcit ekzistojnë 2 qendra të mjekësisë familjare një në Klllokot dhe një në Fshatin Mogillë si dhe 2 ambulanca/klinika në Qendrat e Rehabilitimit (Banja e Klllokotit dhe Nëna Naile), këto qendra duhet që normalisht të trajtojnë ndaras mbeturinat medicinale duke pasur parasysh efektin negativ në mjedis dhe shëndet. Këto mbeturina duhet të trajtohen përmes incineratorëve të instaluar në spitalet rajonale, ku pika më e afërt e Komunës së Klllokot-Verbovcit për trajtimin e këtyre mbetjeve është spitali i Gjilanit por që incineratori nuk është duke punuar për momentin gjë që bën që këto mbetje të hidhen në kontejner komunal duke kontaminuar më tutje edhe mbeturinat komunale. Në anën tjetër sipas intervistimit me stafin mjekësor të këtyre qendrave, thuhet se gjenerimi i mbeturinave të rrezikshme medicinale është tejet i vogël duke pasur parasysh që rastet e shumta që kërkojnë trajtim spitalor dërgohen në spitalet rajonale si ai i Gjilanit apo Prishtinës.

Mbeturinat elektronike: Si në të gjithë territorin e Kosovës, ashtu edhe në Komunën e Klllokot-Verbovcit nuk ka ndonjë trajtim të veçantë të këtyre mbeturinave, edhe pse nuk janë në kompetencë të komunës.

1.4. Masat aktuale për zvogëlimin e sasisë së mbeturinave

Masat e parandalimit të gjenerimit të mbeturinave janë në nivele modeste, por Komuna megjithatë ka marrë vendim që ta ndërroj qasjen dhe lokalitetet në pjesën rurale të janë hequr kontejnerët dhe i janë ofruar shërbim derë më derë me qese. Kjo qasje e komunës ka rezultuar që të reduktohet sasia e përgjithshme e mbeturinave, duke qenë se pjesa rurale ka filluar që të bëjë trajtimin e mbeturinave organike. Në anën tjetër sa i përket mbeturinave të ngurta Komuna nuk ka ingerenca në menaxhimin e rrjedhave të tjera të mbeturinave nga ato të ngurta komunale.

Hedhja ilegale: Një pjesë e mbeturinave përfundon në deponitë ilegale të cilat sipas vlerësimeve në terren të zbatuar janë identifikuar lokacionet e hedhjeve ilegale të mbeturinave. Komuna e Klllokot-Verbovcit disa herë ka marrë iniciativë në rehabilitimin e këtyre deponive në nivel sipërfaqësor. Lloji i mbeturinave që gjendet në këto pika të egra janë kryesisht mbetje komunale dhe inerte, por mund të gjenden edhe mbetje me origjinë nga kopshtet, mbetjet shtazore, gomat e vjetruara, pajisje elektroshtëpiake mbeturinë, etj.

1.5. Korniza kombëtare ligjore dhe politikat

Menaxhimi i mbeturinave në Republikën e Kosovës rregullohet përmes Kornizës Ligjore e cila është e harmonizuar me legjislacionin evropian respektivisht direktivat dhe rregulloret e Bashkimit Evropian të cilat rregullojnë sektorin e mbeturinave. Qëllimi kryesor i kornizës ligjore për menaxhimin e mbeturinave është evitimi dhe reduktimi në masë sa më të madhe të mundshme të gjenerimit të mbeturinave, ripërdorimi i komponentëve të përdorshëm nga mbeturinat, parandalimi i ndikimeve negative të mbeturinave në mjedis dhe shëndetin e njeriut si dhe deponimi përfundimtar i mbeturinave në mënyrë të pranueshme mjedisore.

Korniza ligjore përbëhet prej ligjeve dhe akteve nënligjore të cilat rregullojnë menaxhimin e mbeturinave. Ligji kryesor i cili në mënyrë të detajuar rregullon menaxhimin e mbeturinave është Ligji Nr. 04/L-060 për Mbeturina. Ky ligj përcakton dhe rregullon planifikimin dhe menaxhimin e mbeturinave; kushtet për grumbullimin e mbeturinave, transportin, trajtimin, magazinimin dhe asgjësimin, llojet dhe klasifikimin e mbeturinave, përgjegjësitë e personave juridik dhe fizik lidhur me menaxhimin e mbeturinave, kushtet dhe procedurat e licencave dhe lejeve për menaxhimin e mbeturinave, ndëshkimet për mosrespektimin e dispozitave ligjore si dhe çështjet tjera lidhur me mbeturinat. Neni 14 dhe 15 i Ligjit Nr. 04/L-060 për Mbeturina, përcakton përgjegjësit për menaxhimin e mbeturinave të institucioneve të nivelit qendror dhe nivelit lokal. Me Ligjin Nr. 04/L-060 për Mbeturina, komuna marr përgjegjësi shtesë lidhur me menaxhimin dhe administrimin e mbeturinave.

Përveç ligjeve të lartpërmendura Korniza Ligjore për menaxhimin e mbeturinave përmban edhe një numër të konsideruar të ligjeve tjera dhe sektoriale të cilat në mënyrë indirekte rregullojnë menaxhimin e mbeturinave, siç

janë: Ligji Nr. 03/L-025 për Mbrojtjen e Mjedisit, Ligji Nr. 03/L-040 për Vetëqeverisjen Lokale, Ligji Nr. 03/L-087 për Ndërmarrjet Publike, Ligji Nr. 04/L-174 për Planifikimin Hapësinor, Ligji Nr. 04/L-045 për Partneritet Publiko Privat, etj.

Neni 17 i Ligjit Nr. 03/L-040 për Vetëqeverisjen Lokale, përcakton menaxhimin e mbeturinave si kompetencë të plotë dhe ekskluzive të komunave. Në bazë kësaj kompetence komunat kanë autorizim ligjor të krijojnë struktura, mekanizma si dhe të parashohin buxhet të veçantë me qëllim të menaxhimit sa më të mirë dhe efikas të sektorit të mbeturinave.

Ligji Nr. 03/L-087 për Ndërmarrjet Publike përcakton dhe rregullon pronësinë e ndërmarrjeve publike për menaxhimin e mbeturinave, udhëheqjen e korporative të tyre në përputhje me parimet dhe standardet ndërkombëtare. Neni 6 i Ligji Nr. 04/L-111 për Ndërmarrjet Publike mundëson krijimin e ndërmarrjeve publike lokale nga komunat. Ndërsa me nenet 4, 5, 6 të Rregullores Nr.02/2013 përcaktohen kriteret dhe procedurat për krijimin e ndërmarrjeve publike për menaxhimin e mbeturinave. Në bazë të nenit 5.2 të këtij ligji të drejtën e komunës si aksionar e ushtron Komisioni Komunal i Aksionarëve, i cili përbëhet nga: një anëtar i emëruar nga Kryetari i Komunës dhe dy anëtarë të tjerë të emëruar nga Kuvendi Komunal. Komisioni Komunal i Aksionarëve vepron në emër të Komunës në përputhje me Ligjin për shoqëritë tregtare.

1.5.1. Korniza lokale ligjore

Bazuar në Ligjin Nr. 03/L-040 për Vetëqeverisjen Lokale, Ligjin Nr. 04/L-060 për Mbeturina, Ligjin Nr. 03/L-087 për Ndërmarrjet Publike si dhe ligjet tjera sektoriale, komuna është e obliguar të krijoj kornizën lokale ligjore me qëllim të menaxhimit sa më efikas të mbeturinave në territorin e tyre. Kornizat lokale përbëhen nga rregulloret komunale, udhëzimet, politikat, rregullatorë të ndryshëm, dhe vendimet që rregullojnë sektorin e menaxhimit të mbeturinave.

Në kuadër të kornizës lokale ligjore, komuna ka miratuar:

- Rregullores për Menaxhimin e Mbeturinave në territorin e Komunës së Klllokot-Verbovcit 05/2011 të datës 26.10.2011, ku përcaktohen rregullat dhe kushtet për administrimin e mbeturinave në territorin e komunës. Kjo rregullore megjithatë duke pasur parasysh që kanë ndodhur ndryshime kohëve të fundit, duhet të përditësohet dhe të jetë më gjithëpërfshirëse.

2. Planifikimi i Menaxhimit të Mbeturinave

2.1. Fushëveprimi i planit

Plani Lokal për Menaxhim të Mbeturinave paraqet dokument me të cilin organizohet procesi i menaxhimit të mbeturinave në nivel të Komunës. Në të cilin do të definohen drejtimet dhe prioritetet, si dhe dinamika dhe mënyra e zgjidhjes së problemeve në harmoni me legjislaturën pozitive kombëtare dhe të BE-së në aspektin e menaxhimit të mbeturinave dhe mbrojtjes së mjedisit në tërësi. PLMM përveç se është detyrim ligjor, ka për cak gjetjen dhe zbatimin alternativave më të mira për menaxhim të mbeturinave.

Caku i punimit të Planit është vendosja e sistemit të qëndrueshëm afatgjatë në menaxhimin e mbeturinave në nivel të Komunës, në mënyrë që të përmirësoj cilësinë e jetës dhe mbrojtjen e mjedisit jetësor. Shfrytëzimit racional të burimeve dhe respektimin e parimeve moderne në menaxhimin e mbeturinave, me pjesëmarrje të koordinuar të gjitha akteve të menaxhimit të mbeturinave.

Në kuadër të PLMM do të bëhet analiza e kapaciteteve ekzistuese për trajtimin e mbeturinave, po ashtu do të bëhet analiza e kapaciteteve ekzistuese të menaxhimit të mbeturinave, në bazë të cilave do të shqyrtohet nevoja për zhvillime të mëtutjeshme. Synim tjetër i rëndësishëm i PLMM është që të adresoj shumë çështje të hapura të cilat determinojnë vendosjen e një sistemi tërësisht të ri në menaxhim të mbeturinave, i cili bazohet sipas sugjerimeve që jep Strategjia Kombëtare për Menaxhim të Mbeturinave të Republikës së Kosovës, Ligji për Mbeturina, Standardet Evropiane dhe masat ligjore që prekin këtë fushë.

2.2. Synimet e përgjithshme PLMM

PLMM paraqet dokumentin bazë me të cilin organizohet procesi i menaxhimit të mbeturinave në nivel të Komunës. Komuna e Klllokot-Verbovcit është e përcaktuar që të përmirësoj gjendjen e menaxhimit të mbeturinave dhe në këtë

drejtim ka parashtruar objektiva specifike që janë pjesë integrale e këtij plani. Ato përfshijnë shtrirjen e shërbimeve, parandalimin, minimizimin dhe riciklimin e mbeturinave si dhe eliminimin e hedhjes së mbeturinave në hotspote apo deponi ilegale, por në vendin e përcaktuar. Objektivat janë të ndarë në dy etapa respektivisht në periudhën 2017-2019 dhe 2019-2022.

Komuna synon që përmes planit të menaxhimit të mbeturinave të arrijë:

- Vendbanime të pastra, mjedise të shëndetshme për banorët,
- Promovimin dhe mbështetjen e aktiviteteve të trajtimit të mbeturinave,
- Përfshirja me inkasim për tërë zonën përmes tarifës së përbalueshme,
- Rritja e inkasimit
- Të definohen caqet e menaxhimit të mbeturinave në nivel komunal në harmoni me legjislaturën kombëtare,
- Të definohet sistemi optimal i menaxhimit të mbeturinave,
- Të definohen investimet e përgjithshme financiare dhe investimet në pjesët prioritare të planit të cilat duhet menjëherë të zbatohen.

Objektivat

- 1. Vendosja e sistemit institucional për menaxhim me mbeturina,**
- 2. Krijimi i sistemit financiar për MM-në**
- 3. Krijimi i procesit të kontraktimit për shërbimet e grumbullimit të mbeturinave**
- 4. Promovimi i minimizimit të mbeturinave përfshirë mbylljen e deponive ilegale**
- 5. Përkrahje për ri-organizimin e komunitetit**
- 6. Zhvillimin e pilot projekteve me qëllim të realizimit të 3R-konceptit (Riciklim, Reduktim dhe Ripërdorim)**

2.3. Caqet

Plani synon të menaxhojë me mbeturinat nga ekonomitë familjare (amvisëritë dhe nga bizneset afariste), dhe mbeturinat komunale.

- Shkalla e mbuluesmërisë së shërbimit të grumbullimit do të thotë shkalla e popullsisë së shërbyer me popullsinë e përgjithshme.
- Shkalla e grumbullimit do të thotë shkalla e sasisë së mbeturinave të grumbulluara me sasinë e përgjithshme të gjeneruara.
- Shkalla e hedhjes ilegale do të thotë shkalla e mbeturinave të hedhura ilegalisht duke përfshirë hedhjen jo të duhur brenda zonës pa shërbim me sasinë e përgjithshme të mbeturinave të gjeneruara.
- Shkalla e deponimit final do të thotë shkalla e mbeturinave të deponuara në deponitë e licencuara dhe ato të pa licencuara (hedhja ilegale) me sasinë e përgjithshme të mbeturinave të gjeneruara.
- Shkalla e riciklimit do të thotë sasia e mbeturinave të ricikluara me sasinë e përgjithshme të gjeneruara.

Duhet theksuar se të dhënat e paraqitura në tabelën e mësipërme janë hartuar duke u bazuar në të dhënat e grupit punues, si dhe përmes modelit kompjuterik, që shërben që të bëhen supozime për periudhat e ndryshme duke matur trendet paraprake.

2.4. Fazat e zbatimit të planit 2017-2022

Vizioni i lartpërmendur do të arrihet hap pas hapi. Viti i synuar i Planit për Menaxhimin e Mbeturinave në Komunën e Kllokot-Verbovcitit, është prej 2017 deri 2022. Kjo periudhë ndahet në dy faza, si më poshtë.

Implementimi i planit për menaxhimin e mbeturinave 2017-2022 është i bazuar në dy faza :

- Faza e 1 të : 2017 – 2019 - Krijimi i një sistemi të shëndoshë të menaxhimit të mbeturinave, që nënkupton se brenda kësaj periudhe kohore do të krijohet sektori i menaxhimit të mbeturinave, në mënyrë që të krijohet data baza e të dhënave, e cila do të shërbente për një menaxhim efikas rreth mbeturinave dhe po ashtu mundësia që të realizohet dhe përmirësohet inkasimi për mbeturina në Komunë.
- Faza e 2 të : 2019 – 2022 - Krijimi i sistemit të ri të grumbullimit, që nënkupton se gjatë kësaj periudhe synohet të arrihet sistemi i ri i grumbullimit të mbeturinave duke analizuar dhe vlerësuar gjendjen aktuale të

resurseve humane dhe pajisjeve për arsye se do të rritet niveli i shërbimit në mënyrë që tërritet edhe niveli i inkasimit.

Duke u bazuar në synimet e ndara në këto dy faza , plani pesë vjeçar i MM mund të modifikohet deri në fund të vitit 2018, bazuar në progresin e performancës aktuale në fazën e parë.

Realizimi i planit në periudhën e planifikuar do të modifikohet, monitorohet e të përshtatet në fund të vitit 2018 bazuar në arritjet e rezultateve të përcaktuara në fazën e parë.

